

復廣源等五州以功轉承議郎子五人濤渙

宋 沉漸洌濤沉終太學生餘俱歷官渙最知名

黃渙字彥舟力學通經史百家元符三年鄉薦

崇寧間授定州文學上書論天文政和七年

陞通直郎權知鬱林州廣西通志云崇寧間權知梧州軍事宣

和五年以選次赴京會鹵入寇渙率在部官

奔南薰門外上表乞留聖駕已而奔南京奉

表勸進高宗壯其志擢權兵部侍郎建炎三

年與鹵戰沒贈朝奉大夫秘閣修撰官其一

子

一統欽
州志

李元芳石康人崇寧間上書論廣西便民十事

稱旨累遷朝奉大夫知高貴二州有治行

陳治安石康人淳熙間經畧司募土豪與諸將

討陸川叛寇治安慨然自奮率莊客入主將

沙世堅麾下獨擒賊首以功補邕州左江提

舉

明劉孔仁合浦人洪武初以孝悌力田舉任河

南潁上知縣廉勤愛民九載歸休年高德邵

鄉邦重之

梁里許字子仁欽州人領洪武甲子科鄉薦授
江西吉安府教授陞國子監丞糾繆繩愆克
盡厥職四方學者稱之卒於官

陳善住欽州人洪武初以郡庠生充貢入太學
授山西平陽衛經歷陞蒲縣知縣歷任三十

餘年所至盡職人皆仰慕妻子不入官舍自

號其居曰鰥窠

有詩寄妻云行人萬里傳音信報到荆妻髮尚烏自愧生

疎三十載我爲釋友爾爲姑

其苦節如此

廣州府志 卷之十
黃環字伯循欽州崇德坊人洪武間舉于鄉任
臨桂教諭陞韓府教授致仕家居有雲鴈下
前池與家鶩遊息生育韓王思環教習之功
屢迎不起因奇其事賜鴈來池扁建牌坊于
古渡口遭范子儀變燼之

周英字子傑合浦人登永樂甲申進士知泰寧
縣愛民訓士政尚寬平去之日民遮道不忍

舍 泰寧志

韓珠字子瓊石康人永樂乙酉領鄉薦辛卯登

進士歷任山西右叅政爲政明恕歸日民留
之不得乃立亭以寓去思

舊廉志

沈福字應隆石康人少業詩鄉試會試名皆在

第十永樂乙未進士擢江西道監察御史巡

按陝西時有殺布商投其屍于大池中者一

蛇至院昂首若訴狀使人尾之入池中探之

得賊主抵罪陝人以其爲神後按交址尤著聲

稱交人有仕中朝者每稱道之

朱惠字守仁同知瓊之子亦由冠帶舉人登第

任江西道監察御史進太僕寺丞

惠居村去石康十里

解任歸未嘗至城市時盜賊所在劫掠咸指爲惠家人惠不肯自明郡守上其事遣兵族誅之有以事在外得脫者鄉人至今寃之聞之石康父老云

包志道字希賢合浦人舉人宣德初授交趾新

安府經歷交趾陷調田州以母喪去官正統

初知府朱勤以求賢薦陞廣西靈川縣所至

多善政卒于官

裴衷字秉彝石康人景泰甲戌進士授戶部陞

福建左叅議剛直廉介不附權勢歸日惟圖

書數卷士論異之

楊冠欽州人景泰庚午舉人歷官廣西平樂府知府在任廉能捐俸金造欽州文廟祭器致政歸謝絕公門鄉人重之

檀昭靈山人景泰間太學生時郡邑盜賊四起昭編鄉人爲什伍以相守望知府饒秉鑑嘉其義付以民兵昭率衆與賊大小二十餘戰皆捷斬首六百有奇後廣西龍山賊攻沒城邑衆皆遁去昭遂力戰而死鎮巡咸遣官致

祭士大夫詩以哀之

林榮字仲仁合浦人成化戊戌進士任禮科給事中魁梧洒落遇事敢言不畏權勢時各省解糧赴京中官橫刻侵取榮疏革其弊天下德之適滿喇咖國請封上命榮充冊封正使泛海抵羊嶼遭風而沒士民爲之痛惜事

聞贈禮科都給事中遣官諭祭廕一子入監

祀於鄉賢

送使滿喇咖國詩鍾金慇勤辭北闕迢迢使南蠻湖海云仙過珠崖

觀鳳還繡袍明日月銓與足江山坐使葵風轉從容笑語間南安知府張弼黃甲仙郎

青鎖官金符玉節過南安島葵老獼瞻儀仗
 炎海長轡插羽翰稽首九重天語近啣恩萬
 國地方寬往來又慰庭闈
 念如駕長風跨紫鸞

包義民字醇夫合浦人成化甲辰進士少讀書

篤行有抱負任繁昌縣知縣愷悌民甚愛戴

之三載以憂去民錄其政勒去思碑補知涇

縣廉靜寬大吏亦不能爲奸尤有惠政雅不

喜飭廚傳以悅上官擢廣信府同知政尚廉

平卒于官

二子廣廉皆篤學公最喜廉弘治戊午廣舉于鄉公在廣信方陰雨

聽政家人以捷音至公遽曰廉耶以廣對公大喜曰廣猶若此廉可唾手取之矣退及解

而卒甲子廉果登科人
謂公之卒以遇喜云

湛鉞廉州衛指揮陞廣東都指揮僉事性英俊
有文武材畧好用奇策忘其勢位每與下官
有謀者共議弘治十四年夏六月瓊之儋州
七方峒黎賊符南蛇謀殺峒首刻箭傳約諸
黎反亂攻圍儋州陷感恩昌化延及澄邁定
安瓊之西界千餘里道路不通海南幾危九
月鉞領兵渡海及西峯驛聞諸賊攻臨高垂
陷賊萬衆四集而官軍不滿三千後軍且未